

Liedjesmatinee 2019 met 12 finaliste



Foto's: John Smit

Liedjesmatinee 2019 van vastelaovesgezelschap "De Wortelepín" wuurt zónndaag 29 september 2019 gehalde in 't Raodhoes in Bliërick ónder 't mótto van 't nije Vastelaovesseizoen 'Bliërick kleurt!' Ónder de deelnemers weer 'n aantal zengers, truuk van weg gewaes, die de letste jaore beej 't liedjesmatinee neet mier op de buun hebbe gestaon, maar gelökkig ouk weer 'n groeët aantal nije gezichte. 't Wuurt in miedere opzichte 'ne biezonndere matinee. Dit jaor namelijk gen 11 maar 12 finaliste. Dit jaor helaas ouk 'ne matinee wao weej afscheid gaon neme van inkele bekinde zengers die aan hebbe gegaeve det zeej nao dit seizoen gaon stoppe. Alleriers 2 X 2. In 2011 veur 't lets aanwezig op ózze matinee - dae zeej toen nog met Marius in eur geleedere, aafslote met 'n ierste plaats met 't liedje "Wat kin 't gaeve" - gaon stoppe. In eur letste jaor doon zeej ouk Bliërick nog eine kier aan umdet in Bliërick eur, det meug gezag waere, glansrieke carrière is begós. Dit jaor ouk de letste matinee veur Graatje, Onno en Paul. Nao vuuele jaore de Bliërickse Vastelaovend mei klank en kleur te hebbe gegaeve, hebbe zeej aangegaeve det ouk zeej gaon stoppe. Ouk Ingrid Janssen-Scheepers haet aangegaeve det nao 35 jaor zinge en meidoon aan Vastelaovesconcourse, dit zien letste (Vastelaoves)kunsje is. Gelökkig haet Ingrid waal aangegaeve det 't actief blief as schriever/componis van Vastelaovesliedjes/leedjes.

Alle liedjes zien gecomponeerd door Reinhard Wind en waere live gezóngte en begeleid door de hofkapel onder leiding van Erik Munten.

Liedje 1, Dinsdaagaovend:

Wuurt gezóngte door Bernie en Willy Billekens. Bernie is ein van die deelnemers die al miedere jaore neet mier op de buun stónde in Bliërick, same met Willy zingk 't euver daen dinsdaagaovend, dae letse Vastelaovesavond, dae ós dreuvig stump maar ouk 'n bietje blie want euver ein jaor begint 't weer opnie. De prins rup wat waas 't gaaf, wies in november want dan trappe weej weer aaf.

Liedje 2, Heej is nog plaats veur dich:

Wuurt gezóngte door Lonneke van Doorn, Annette Hermans, Ruud Geeraets en Wim

Janssen. Veurig jaor zóngte zeej eur liedje Minse van 't goje laeve nao de 4e plaats op de CD. Det smak nao mier en zeej gaon dan ouk vaerder as kwartet ónder de naam Minse van 't goje laeve en doon dit jaor met eur liedje Heej is nog plaats veur dich, weer 'ne goeëj nao 'n plaats op de CD. Wae wet zegge de jury en zaal taegte eur heej is nog plaats veur óg op de CD.

Liedje 3, Wat bin ik blie:

Wuurt gezóngte door Hay Geritz, Mark Janssen, Petro Janssen en Vic Suiker, baeter bekind ónder de naam 2 X 2. De Wortelepín is blie det zeej in 't letste van eur langjäörig bestaon ouk Bliërick nog eine kier aandoon. Wie gezag nao dit seizoen gaon zeej stoppe. Zeej zien eur carrière in Bliërick begónne en daarom staon zeej dit jaor ouk beej ós op de buun. Eur afscheidsfieës halde zeej op 21 maart 2020 in de Venlonzaal in Venlo. Schrief dezen datum maar vas in ógge agenda.

Liedje 4, Wat waas det?:

Wuurt gezóngte door Sanne Maters, Dani Ruijten, Sanne Peeters en Lucas Fransman. Zeej neume zich Kwiek zat en hebbe in Dani 'nen debutant in eur mitte. Ervaring met zinge en actere op 'n buun haet 't aevel waal. Zeej kinne mekaar namelijk ouk van Sidera 'n musical gezelschap. Nao eur optraeje vruueg geej óg misschien aaf: Wat waas det? Tja en det vraogte zeej zich nao 't zinge van eur liedje ouk nog steeds aaf.

Liedje 5, De Vastelaoveszón:

Wuurt gezóngte door Graatje Peeters, Onno Vaessen en Paul Lenders. Zoeë as al aangegaeve is dit definitief de letste deilname aan de liedjesmatinee veur eur en veur 't iers zinge zeej genne mars, maar 'ne gospel! Noow haope zeej det met De Vastelaoveszón de zón veur eur neet ondergeit op 29 september, maar det zeej nog 't ganse Vastelaovesseizoen dit liedje in Bliërick ten gehure meuge bringe as ein van de winnende liedjes van deze matinee! Zoeë neet dan kinne zeej toch truuk kieke op vuuel succesvolle jaore en veural 't plezeer det 't zinge van Vastelaovesliedjes eur en haopelik ouk Bliërick haet gebrach!

Liedje 6, Det hes se of det hes se neet:

Wuurt gezóngte door Marieke Verkoeijen en Nico Meerts. Nico is nao inkele jaore van aafwezigheid weer truuk (veurhaer ein van de zengers van Aeveloestig) en zingk noow same met Marieke det 'n paar jaor truuk vanoet de jeug is opgekómme (neet zonder sukses). Allebei dus al suksesvol gewaes en zeej kinne met rech zegge; det hes se of det hes se neet, want beej eur as Wortelepín zit det d'r van jóngs aaf in.

Liedje 7, Op zeuk:

Wuurt gezóngte door Jamie Simons. Jamie debuteert in Bliërick maar 't debuteert neet met 't zinge van Vastelaovesliedjes of mótte we zegge leedjes. Veurig jaor nog verdeens-telik met zien mam op de buun beej De Wien zingk 't noow allein op ózze matinee en is 't op zeuk. Op zeuk naor emes dae 't mis, 't wet allein nog neet wae det is. Misschien is 't ouk waal op zeuk nao 'n plaats op de Bliërickse CD, det mak 't zeuke dan neet veur niks en ouk nog bes kwant.

Liedje 8, Mien schoon:

Wuurt gezóngte door Willy Billekens en Bart Janssen. Bart is nao inkele jaore van aafwezigheid weer truuk en Willy zingk zien twieede liedje in dees finale. Willy en Bart zinge euver schoon, Vastelaoveschoon die eur altied bringe wao zeej mótte zien en as zeej zien oetgespoes, bringe die eur ouk weer nao hoes. Zeej zien gruuets op eur schoon en d'r naeve loupe zeej neet, zien blie det det neet lók want dan ware zeej helde op zök.

Liedje 9, De Vastelaovesingel:

Wuurt gezóngte door Clément Giesen en Joyce Bontenbal. Zeej debutere op de Bliërickse liedjesmatinee, maar debutere neet as 't um zinge van Vastelaovesliedjes geit. Zeej wónne ónder de naam Get anders 'n paar jaor geleje de letste liedjesavond beej D'n Oeles. Get anders is Tegels dialek en zeej doon dus noow gans wat anders en doon zoeë as gezag veur d'n ierste kier in Bliërick mei met eur liedje de Vastelaovesingel.

Liedje 10, Dich bis 't gans veur mich:

Wuurt gezóngte door Hay Hendriks en Wendy Hendriks. Hay en Wendy zien dus echte debutante, zeej zinge waal beej 'n koeër, maar

hebbe nog noeëts megedaon aan 'n Vastelaovesliedjes wedstried. Veur eur is alles nie. Veur 't iers dees matinee wuurt d'r 'ne wals op de buun gebrach. 't Welske haet ouk 'n groeëte rol in eur liedje. Ik gaon 't noow d'r ens op de waage, um dich veur 'n welske te vraoge. Iddere kier as d'r 'n welske speelt, weit ik wie echte leefde veult en dus; dich bis 't gans veur mich.

Liedje 11, Lier d'r mei laeve:

Wuurt gezóngte door Hans Aerts en Peter Wilders. Hans en Peter hadde weej ouk al inkele jaore gemis op de matinee. Hans stónd dan waal as zenger van de hofkapel op de buun, maar neet mier as deelnemer. Zien zeej dan definitief truuk? Wae zal 't zegge! De welskes zitte achteraan in 't programma, want ouk Lier d'r mei laeve is 'ne wals. 'ne Wals dae geit euver 't Vastelaovesgeveul, lier d'r mei laeve haet d'n dokter gezag, dae wil dich niks gaeve, ouk neet op verdach. Neum 't ein zaege of neum 't pech. As se 't haes geit 't noeëts mier weg.

Liedje 12, Idder medalie:

Wuurt gezóngte door Ingrid Janssen, Evelyn Theunissen, Marc Houwen en Wim Cupers. 't Letste liedje veur vandaag en de letste liedjesmatinee as zenger veur Ingrid. Maar zeej zinge, idder medalie haet twieë kante. Zoeë is 't met alles in 't laeve, alles haet zien veur en taegte. Ingrid stop dan waal nao dit seizoen maar bringk waal Evelyn, Marc en Wim mei op de buun, die alledreej neet veur 't iers op 'n buun staon. Evelyn al suksesvol in Bliërick en Marc kump as debutant euver vanoet De Wien, wao dae al suksesvol is gewaes. Dus Ingrid stop dan waal, maar d'n andere kant van de medalie is det twieë nije zengers te bewóndere zien in Bliërick en haopelik neet veur 't lets.

Bliërick kleurt! De Vastelaovesmeziek op zónndaag 29 september. De gezóngte liedjes zien van 'n hoeëg niveau en 't wuurt veur de jury en zaal strakkes 'n ganse klus um weer 4 liedjes oet te zeuke. Bin d'r zelf beej en bepaol same met de jury welke liedjes strakkes in de Vastelaovestied waere gezóngte." Kaarte à €15,00 zien 24 september tösse 19.30 en 21.00 oor te verkriege in 't Raodhoes.